



## **Universitätsbibliothek Paderborn**

### **Exemplorvm Libri Tres**

Liber Primvs Siue Vis Et Virtvs Exemplorvm, Hoc est, Solatia Et Docvmenta  
- Hæc Moribvs, Illa Temporibvs Nostris Adhibita

**Stengel, Georg**

**Ingolstadii, Anno M.DC.L.**

Caput XVI. Quæ absterreant, ne fortia illa exempla reipsa sequamur; &  
quæ inuitent?

[urn:nbn:de:hbz:466:1-48162](#)

## IX.

Aristot. sect.  
10 probl.  
initio.

Idem sect. 14.  
probl. vlt.

Ad extremum, si vlo tempore viribus, & ardenti charitate in Deum opus est, opus est tempore belli, cuius turbine facilè potest extingui virtus tepidè accensa. Est quoddam antiquum adagium, *Mentam belli tempore neque scito, neque edito*: quod Aristoteles referens, caussam vestigat, unde dictum hoc in ora vulgi peruerterit; arbitraturque esse caussam, quòd menta corpori frigus adducat, frigus autem aduersari audaciz atque fortitudini; sicut alibi ostendit, vbi docet, eos qui natura sunt frigida, formidolosiores esse, contrà qui calida, audaces. Hoc prouerbium meritò nunc potest in eum quoque sensum deflesti, vt admoneat, inter tot Catholicorum pericula, abstinendum esse ab illis frigidis, & timidis, seu sermonibus, seu cogitationibus, quibus non pauci perpetuò hostis ferociam, potentiam, visortiasque, & nostras clades, calamitates, desperationes, tamquam molestissimam cramben, recoquunt. Quid hi aliud, quam mentam tempore belli serunt, eduntque, vt timidi ipsi cæteros quoque timore impleant; & ad fugaz meditationem, aliaque iniuria multa, si non etiam perniciofa, tentanda perducant? Feruidâ nunc virtute opus est, & cogitationibus generosis. Nulla autem generosior cogitatio esse potest, quam velle pugnare pro patria. Hanc cogitationem nemo vtique non laudabit. Cur ergo aliquis me vituperet, si hoc belli Suedici, seu Gottici tempore, iubeam homines ita feruere, vt non solùm pugnare pro Ecclesia & cælesti patria parati sint, sed etiam pro cædem fortiter occumbere concupiscant?

## C A P V T XVI.

*Qua absterreant, ne fortia illa exempla re ipsa se-  
quamus: & qua inuisent?*

L  
3 Bern serm  
2. de resurr.

Matth. 26. 43.

Iob. 10. 1.

**S**T ita, quod D. Bernardus ait: *Sermo viiius & efficax exemplum est operis facile persuadens, quod intendimus, dum factibile esse probat, quod suaderemus.* Quare hand ambigo, multos cùm Martyrum vident exempla, videre se quoque beatos fore, si imitarensur. Verùm spiritus quidem promptus est, caro autem infirma. Et numquid in eas iam calamites deuenimus, vt multi mortem optent? Numquid Iob dixit: *Tadet animam meam vita*

vita mea? Numquid Christus ipse iturus in vincula cœpit contrista-  
ri & mortuus esse, ac dicere; Tristis est anima usque ad mortem? Di-  
xit haec Christus, quia cum verus homo esset, naturam habuit  
dolores verè sentientem; quin & abhorrentem, si corpori fuisset  
obsecutus. Sed quia, ut Tertullianus dixit, nihil crux sentit in ner-  
vo, cum animus in calo est; idcirco, desiderio desiderauit hoc Pascha  
manducare, & hunc calicem bibere passionis. Hie clausula illa  
lam orationi sue adiecit: Pater mi, si non potest hic calix transire,  
nisi bibam illum, fiat voluntas tua. Dominabatur enim ratio sensui;  
& quidem ita, ut exultaret scilicet Gigas ad currēdām viam, stadium-  
que crucis, eaque ipsa tristitia durante gauderet. Nam gaudium  
illud non erat sicut in sensu naturæ, quæ utique, inter angustias,  
sensit dolorem, cum cœpit panere, & tundere: sed gaudium illud fi-  
cut in Christo, ita & in nobis aduersa lœtè sustinentibus, in sensu  
rationis, ab existimatione, atque judicio ortum habet, quod na-  
turæ afflictæ varias causas proponit, ob quas se, in ipsa malorum  
perpessione, debeat ad gaudium excitare. Sic ergo Christus  
doluit pariter gaudendo, & gauisus est dolendo; ea ipsa hora spi-  
ritulætus, & benè animatus, qua tristis caro sanguinem sudauit.

11.

Geminum hoc exemplum est, nam sensu doloris nobis est  
æquatus, ut nos quoque illi patientia doloris æquaremur. Sed  
hæremus interdum, carne, velut refractario equo, reluctantem.  
Aliquando enim existimamus, pro perca, ut dicitur, scorpionum  
dari; aut certè tam grandes nobis cruces non deberi; parsis no-  
xis magna mala non promeritos esse. Quasi Deus iniquus sit ju-  
dex, qui nos plus puniat, quam peccemus! Deinde esto, sis ipsa  
Themide iustior, sis vir bonus, sis innocens: Quid fecere Marty-  
res? quid ipse Christus patravit? An non legis? *Christus passus est* 1. Petri 2. 21.  
*pro nobis, vobis relinquent exemplum, ut sequamini vestigia eius, qui*  
*peccatum non fecit, nec invenit in ore eius.* Nocentem pati  
æquum est; innocentem, gloriosum. Si reus es, suscipe pœnam,  
quam clementissimus judex decrevit; si innocens, etiam gaude,  
quod in hoc illi similis fias, qui innocens & pro te passus est, &  
passus est, ut tibi patientia exemplo prælucret.

III.

Quis cum medicum non amore & sequela dignum existimat, quem videt sanum, & pharmaco nullo indigentem, tamen.

62 Cap. XVI. Cur quidam non sequantur exempla fortia.

bibere, & præbibere, ut ægroto moueat orexin, & nauseanti pro-  
ritet appetitum? Nam quis se ægrotum non censem? quis ab  
omni culpa absoluat? Aut absoluat sanè, tamen, quamuis ad Ta-  
naim fugiat, crucem non effugiet. Quòd si ergo crux evitari non  
potest, præstat in cruce Christi, quām in cruce latronis pendere.  
Cicutam hausturo Socrati coniunx astitit, & muliebriter plorans  
dixit: *Mi vir, innocens morieris?* cui ille: *Quid?* inquit, *num me  
nocentem mallos mori?* Ita omnes Christianos par est respondere,  
quando aliquod infortunium, aut tormentum pro Religione est  
subeundum, ut Martyres non tantum patientiā, sed etiam inno-  
centiā imitentur. Quamquam vnicuique dicere licet, quod S.  
Hieronymus ad Blesillam scripsit: *E duobus elige, quod velis. Aut  
sancta es: & probaris; aut peccatrix: & iniuste quereris, minoras su-  
stinenas, quām mercaris.*

IV.

Tertull. lib.  
ad Martyr.

Sæpe & hoc agnoscimus, sed nimis acerbum est pati! Quās  
Martyribus dulce fuerit equuleum ascendere, aut in cruce, ad no-  
cturnas tenebras, pro face ardere? Non est ad cælum via, in qua,  
quidquid calcatur, rosa fit. *Virtus duritiā extrahitur, mollitiā de-  
struitur*, ait ille. Inspice cruciatus Domini tui; & melleum tibi  
craterem relictum arbitaberis, si volueris attendere ad amaram  
illius felleamque potionem. Heu quid non horroris in calice,  
Christo propinabatur! cuins solo aspectu concussus, sanguinem  
sudavit! *Quis non cohorresceret, si decem millia hastatorum, &  
totidem sagittariorum conspiceret aduersus se stare?* Et tamen,  
quām numerosæ militum cohortes, eorum, inquam, quos otio-  
fos affectatio armorum ad gladium locauit, intrepidè irruunt in  
eiusmodi phalanges? *Quin eadem alacritas est nobis in bello  
spirituali?* cur hīc semper vltimi esse volumus? *Cur cum Simone  
Cyrenensi crucem non nisi coacti tollimus?* cur tollimus, quia  
tollenda, potius, quām quia diligenda? In honoribus adipiscen-  
dis, in gaudijs percipiendis semper primi esse volumus; cur hīc  
vltimum locum ambimus, qui plerumque periculosisimus?

V.  
Dont. 25.

Nam quemadmodum Amalec Israëli in deserto peregrinanti magnam cladem intulit, dum extremos agminis eius, qui  
lassi resederant, cecidit; ita plerumque desides in periculis, & ex-  
tremos non modò seabes, sed etiam clades & pernicietes occupat.

Vrticas

Vrticas qui delicate & timide tangunt, vruntur: at qui animosè eas contrectant, confricantque, aculeos inclinant, minusque aut nihil doloris persentiscunt. Non satis est igitur, exemplo Martyrum velle pati, nisi ipsam acerbitatem malorum in voluptate computemus.

Tepidi, ignavi, formidolosi ad hæc bella non sunt idonei: ardentes, alacres, generosos nos esse oportet. Qua de causa docet Aristoteles, & post eum Gellius, fistulis, tympanis, & tubis milites ad proeliandum excitari. Age, fistulas etiam queramus, No& cap. III. quibus canamus saltatibus; aut tympana tubasque pugnaturis: nimirum Prophetas, & Apostulos, & Martyres, & Doctores, quorum bellico cantu, velut classico, Mars noster accendatur. Optimum magistrum habemus in Moysè, qui populo nolente bere aquas de Mara, eò quod essent amara, clamauit ad Dominum, qui ostendit ei lignum: quod cum misisset in aquas, in dulcedinem versa sunt. Sic homines sumus, amara nauseamus, aut certè in ipsis amaris rebus dulcedinem querimus; nempe ad beatitudinem nam, errore quodam, ubique cupimus delectari. Ergo ut etiam hic se imbecillitati nostræ accommodet Deus, in ipsis aduersis nostris gaudium ponit, mala nostra temperans, & desideria nostra allevans. Quo autem pacto id fieri possit, ut de malis, immò in malis nostris gaudeamus, Mosis, & Dauidis, & Apostolorum, & aliorum herorum exemplis ostendemus.

## VI.

Iudic. 7. Aris  
stot. in Probl.  
A. Gell. lib. I.

No& cap. III.

Exoda 15. 23.

## C A P V T XVII.

Alias gaudendi caussas habere filios huius saeculi, alias filios Dei, exemplo Moysis, & Dauidis, & Apostolorum ostenditur: unde tertia Exemplorum utilitas elucet: quæ est,  
consolatio in tribulatione.

 **V**ero rex Assuerus fecit, cum iussisset sibi afferri historias & annales priorum temporum, ut bene maleque gesta examinaret; id, in re pecuniaria, videmus mercatores, cum sepe alias, tum maximè in fine anni facere, ut diaria sua, & libros rationum, tabulasque accepti & expensi diligenter inspiciant relegantque; & eum quidem annum, quo plus accipisse

I.

Esther. 6. 1.